



REPUBLIKA E KOSOVËS  
REPUBLIKA KOSOVA - REPUBLIC OF KOSOVA

KOMISIONI I PAVARUR I MEDIAVE  
NEZAVISNA KOMISIJA ZA MEDIJE  
INDEPENDENT MEDIA COMMISSION



**TV DUKAGJINI**  
**Ermal PANDURI**  
**Drejtor**  
**Pejë**

**Ankesa Nr. 2017/34 KPM vs TV DUKAGJINI**  
**Ref:1708/780/KPM/am**

### VENDIM

**Lidhur me Ankesën nr. 2017/34 – Komisioni i Pavarur i Mediave (KPM) kundër TV DUKAGJINI (“Pala Përgjegjëse”)**

---

#### Faktet

1. Pala Përgjegjëse, është pajisur me Licencë të KPM-së me datën 28 gusht 2009. Pranimi dhe nënshkrimi i Licencës obligon të Licencuarin që të veprojë në përputhje me Ligjin e KPM-së dhe me të gjitha aktet nënligjore të miratuara nga KPM.
2. Komisioni i Pavarur i Mediave (KPM) është përgjegjës për zbatimin e Kreut VIII të Ligjit për Zgjedhjet e Përgjithshme në Republikën e Kosovës Nr. 03/L-073 me anë të të cilit përcaktohet sjellja e mediave gjatë fushatës zgjedhore. Duke u bazuar në kapitullin VIII të këtij Ligji, KPM ka nxjerrë udhëzuesin për të ndihmuar të licencuarit që të veprojnë në pajtim me Ligjin për Zgjedhje.
3. KPM me datën 29 maj 2017 i ka dërguar Palës Përgjegjëse Udhëzuesin për zbatimin e Kreut VIII të Ligjit për Zgjedhjet e Përgjithshme Nr. 03/L-073, me qëllim që t’i ofrohen udhëzime për respektimin e dispozitave ligjore gjatë mbulimit të fushatës zgjedhore dhe heshtjes zgjedhore.
4. KPM bazuar në monitorimet që janë bërë gjatë fushatës zgjedhore për pajtueshmërinë e Palës Përgjegjëse me Ligjin për Zgjedhjet Nr. 03/L-073 ka gjetur se Pala Përgjegjëse ka transmetuar spote politike të cilat i ka identifikuar si spote me pagesë, por jo duke i identifikuar se nga kush janë të paguara apo të sponsoruara këto spote.
5. KPM po ashtu bazuar në këto monitorime, me datën 9 qershor 2017, i ka dërguar Njoftim për Shkelje, Palës Përgjegjëse, duke e njoftuar për shkeljet e bëra dhe duke e udhëzuar Palën Përgjegjëse të veprojë në pajtim me Udhëzuesin për zbatimin e Kreut VIII të Ligjit për Zgjedhjet e Përgjithshme Nr. 03/L-073, në të kundërtën Zyra Ekzekutive e KPM-së

do t'i rekomandojë Komisionit të KPM-së të ndërmarrë masa ligjore ndaj Palës Përgjegjëse.

6. KPM bazuar në këto monitorime ka gjetur se Pala Përgjegjëse ka bërë edhe shkelje tjera gjatë fushatës zgjedhore, duke transmetuar spotin politik të subjektit politik AAK, në të cilin ishin të përfshirë fëmijët. Po ashtu, gjatë periudhës së heshtjes zgjedhore, Pala Përgjegjëse ka transmetuar direkt konferencën për gazetarë të subjektit politik PDK, ku është parë slogani i partisë në fjalë.

### Analiza Ligjore

7. Komisioni bazuar në të gjitha faktet dhe analizat e lartpërmendura konstaton se Pala Përgjegjëse, ka bërë shkelje të nenit 9, paragrafi 7, të Kodit të Etikës KKPM-2016/03, dhe shkelje të nenit 52, paragrafi 1, të Ligjit për Zgjedhjet e Përgjithshme Nr. 03/L-073.
8. Neni 9, paragrafi 7, të Kodit të Etikës KKPM-2016/03 përcakton se:

*“Nuk lejohet përdorimi dhe prezenca e fëmijëve në spotet e ndryshme promovuese të partive politike.”*

9. Neni 52, paragrafi 1, të Ligjit për Zgjedhjet e Përgjithshme përcakton se:

*“Asnjë person ose medium nuk transmeton ose publikon çfarëdo materiali që i takon aktivitetit të fushatës gjatë periudhës që fillon njëzetekatër (24) orë para hapjes së vendotimeve deri në mbylljen zyrtare të vendotimeve.”*

Pala Përgjegjëse në bazë të këtij neni e ka për obligim që të mos publikojë çfarëdo materiali që i takon aktivitetit të fushatës gjatë periudhës që fillon njëzetekatër (24) orë para hapjes së vendotimeve deri në mbylljen zyrtare të vendotimeve.


### Vendimi

10. Komisioni bazuar në faktet dhe analizat e lartpërmendura konstaton se Pala Përgjegjëse ka bërë shkelje shkelje të nenit 9, paragrafi 7, të Kodit të Etikës KKPM-2016/03 dhe shkelje të nenit 52, paragrafi 1, të Ligjit për Zgjedhjet e Përgjithshme Nr. 03/L-073.
11. Komisioni bazuar në nenin 30, paragrafi 1, të Ligjit të KPM-së sanksionon me **Vërejtje** Palën Përgjegjëse për shkelje të nenit 9, paragrafi 7, të Kodit të Etikës KKPM-2016/03 dhe shkelje të nenit 52, paragrafi 1, të Ligjit për Zgjedhjet e Përgjithshme Nr. 03/L-073.

### E drejta për Ankesë

12. Ankesat i parashtrohen Bordit për Ankesa brenda tridhjetë (30) ditësh nga pranimi i vendimit të KPM-së në pajtim me nenin 29, paragrafi 5, të Ligjit të KPM-së. Ankesa bëhet me shkrim dhe duhet të përcillet me dokumente ose dëshmi që mund të kërkohen nga Bordi i Ankesave në pajtim me nenin 42, paragrafi 2, të Ligjit të KPM-së.

13. Bordi për Ankesa do t'i merr parasysh vetëm ankesat e bazuara në informacione ligjërish të relevante të cilat nuk ishin të disponueshme në kohën e marrjes së vendimit të KPM-së, apo të bazuara në mundësi se ekzistonte gabim procedural dhe material i bërë nga ana e KPM-së gjatë marrjes së vendimit.



Adnan MEROVCI  
Kryetar



10.08.2017  
Datë